

COVID -19 Pravilnik ponašanja u toku polaganja ÖSD ispita na Austrijskom institutu Sarajevo

I. Organizacija ÖSD Ispita

- ÖSD ispiti se organizuju od 1.6. uvažavajući preporuke o čuvanju propisane distance koju objavljuju nadležne službe (minimalno 2 metra distance između osoba, kako na usmenom tako i na pismenom dijelu ispita, ograničen broj osoba u zatvorenom prostoru, nošenje maski itd.).
- O svim mjerama koje se provode u prostorijama Instituta klijenti se obavještavaju prije izlaska na ispit kako bi se adekvatno pripremili za dolazak na Institut.
- Zaposleni Instituta, odnosno osobe zadužene za dežuru, dužne su kandidate uputiti u sva higijensko-epidemiološka pravila koja su na snazi prilikom dolaska na institut.
- Na dan održavanja ispita, prilikom ulaska na Institut, obezbjeđuje se ulazak uz održavanje fizičke distance kako bi kandidati nesmetano, bez stvaranja bespotrebnih gužvi ušli u salu za ispit.
- Na dan ispita u zgradu ulaze samo kandidati koji polažu ispit, pratnja nije dozvoljena.
- Svakom kandidatu se na ulazu u zgradu mjeri temperatura. Kandidatima koji imaju povišenu temperaturu ili druge vidne simptome SARS Covid 19 neće biti dozvoljen izlazak na ispit.
- Na ulazu u zgradu postoji obezbijedjena dezinfekcija za obuću koju će kandidati koristiti prilikom ulaska.
- Nakon ulaska u zgradu kandidati se obavezno upućuju na dezinfekciju ruku.
- Ulazak u prostorije Instituta nije dozvoljen ukoliko klijent nema masku. Klijenti su dužni nositi masku svo vrijeme boravka na Institutu na propisan način (pokrivena usta i nos). Prilikom kontrolisanja lične karte kandidata, kandidat je obavezan da kratko skine masku za lice, te da je nakon identifikacije odmah propisno vrati.
- Svi kandidati će prije početka ispita popuniti upitnike vezane za eventualnu izloženost novom virusu, kontaktima i postojanju simptoma. U slučaju da postoji rizik (simptomi, kontakti i slično), kandidat će biti odstranjen sa ispita.
- U slučaju da klijent pokazuje respiratorne probleme uzrokovane alergijom ili nekim drugim oboljenjem koji nije SARS COVID-19, o tome je potrebno donijeti ljekarsku potvrdu ne stariju od 7 dana kako bi mogli pristupiti ispitu. U suprotnom, nije moguće prisustvovati ispitu, jer su simptomi alergije (kašljanje, kihanje, curenje nosa) za opštu javnost slični simptomima SARS COVID-19. U slučaju da dežurne osobe instituta simptome ne primijete tokom administrativne pripreme ispita, te simptomi postanu primijetni tokom trajanja ispita, kandidat će biti udaljen sa ispita.
- Donošenje mobitela na Institut nije dozvoljeno prilikom polaganja ispita. Preuzimanje i čuvanje mobitela neće biti moguće kako bi se izvorišta zaraze i broj kontakata smanjio na minimum.
- Svako zadržavanje klijenata na Institutu nakon pismenog ispita nije dozvoljeno i kandidati će biti upućeni da napuste prostorije instituta kako bi se smanjila mogućnost stvaranja gužvi.

Svaki klijent će dobiti tačno vrijeme za održavanje usmenog ispita i doći će u zakazano vrijeme bez čekanja na Institutu.

- Tokom pismenog ispita, prozori prostorije će biti otvoreni na kip, dok će dio prozora biti širom otvoren. Dodatno će se svakih sat vremena vršiti provjetravanje otvaranjem većeg broja prozora. (najbolje tokom pauze po 15 minuta)
- Tokom pauza klijenti će biti upućeni da napuste zgradu, kako se na hodnicima ne bi stvarale gužve.
- Svi stolovi na pismenom i usmenom dijelu ispita su raspoređeni na način da je obezbijeđena propisana fizička distanca.
- Dezinfekcijskim sredstvom i suhim maramicama će se dezinfikovati stolovi nakon svakog kandidata poslije pismenog ispita, pripreme za usmeni ispit i usmenog ispita. Isti postupak će se primjenjivati na šteke prilikom organizacije usmenog dijela ispita. Za ovo je zaduženo osoblje Austrijskog instituta – dežurna osoba i ispitivači.
- Institut obezbjeđuje pojačano održavanje higijene prostorija.
- Savjetuje se da se pisaći pribor ne posuđuje i ne razmjenjuje. Svi kandidati su dužni donijeti vlastiti pisaći pribor.
- Kandidatima se preporučuje da preuzimanje sertifikata poruče putem pošte umjesto dolaska na institut.
- U slučaju kašljanja ili kihanja, preporučuje se korištenje lakta ili maramice koju je potrebno odmah odložiti u zatvorenu kantu.

2. Mjere Instituta

- Institut je prilagodio odvijanje poslovnih aktivnosti na način da se minimizira broj kontakata, odnosno prilagodio broj klijenata po ispitnom roku kako bi se izbjeglo stvaranje gužvi i obezbijedila odgovarajuća distanca.

Maida Bećarević, direktor